

**PIST.** *Germen* subrotundum, pentagonum vel quinque tuberibus constans. *Stylus* filiformis, erectus, staminibus longior. *Stigma* simplex, acutum.

Color Corollæ & Calycis luteus.

125. **CURATELLA** (*Polygonum arborescens*?) *Curata vulgo.*

*Frutex* altus mediocris, hinc inde flexus, ramis paucis; cortice Pini inflar squamoso vel tunicato, rimoso. Facie fere *Polygoni arboresc.*

*Folia* ad ramulos exteriores, alterna, spithamalia, oblonga, subsessilia, varie flexa & subundulata, venosa, scabro-dura, margine longe leviter-crenata, tota palmaria. *Petioluli* breves, supra plani.

*Flores* racemosi, laterales, ex ramulis vel axillis antiquis; digitales, simplices, ramulo uno alterove ad basin aucti; alterni, pedicellati. *Pedunculus communis* digitalis, subangularis; *parvialis* pedicellis trium vel quatuor linear. longitudine, filiformibus. *Bracteolæ* sub pedicellis oblongis, 1-3 lineares, obtusæ.

**CAL.** *Perianthium* convexum, pentaphyllum: *foliis* subrotundis, concavis, quatuor exteriorioribus colore rudiore, quinto interiore petalis simillimo.

**COR.** *petala* tria vel quatuor, subrotunda, concava, figura Calycis & colore albo.

**STAM.** plurima, filiformia, corollæ mediæ altitud. *Antheræ* subrotundæ.

**PIST.** *Germen* duplex, bilobum, subrotundo-ovatum, tomentosum, masculinum. *Styli* duo, filiformes, erecti, staminum altitudine, breves. *Stigmata* capitata, subrotunda.

**PER.** *Capsula* biloba s. duplex, infimo basi coalita, singula subrotunda, hirsuta, unilocularis.

**SEM.** duo in singula capsula, oblonga, nitida.

Color Corollæ albus.

136. **SAMYDA** parviflora. *Frutex* albus, ramis alternis inæqualibus longis. *Vatcara* s. *Macapiritu.*

*Folia* oblonga.

*Flores* conferti in glomerulis subrotundis, laterales, copiosissimi, pedunculati: pedunculis confertis, undique patentibus.